



**TOSHKENT DAVLAT YURIDIK UNIVERSITETI REKTORINING
B U Y R U G ' I**

21.04.2022 yil

89 um-son

**Toshkent davlat yuridik universiteti talabalariga G'afur
G'ulom nomidagi maxsus stipendiya hamda ko'krak
nishoni ajratish bo'yicha tanlov o'tkazish to'g'risida**

O'zbekiston Respublikasi Vazirlar Mahkamasining 2020-yil 24 avgustdagi "Atoqli adiblar va mutafakkirlarimiz ijodiy merosini yoshlar o'rtasida targ'ib qilish hamda Adiblar xiyobonidan samarali foydalanish chora-tadbirlari to'g'risida"gi 502-son qarori, Toshkent davlat yuridik universiteti rektorining 2020-yil 4-sentabrdagi "O'zbek adabiyotining zabardast vakillaridan biri G'afur G'ulom ijodini keng targ'ib qilish hamda bu boradagi ishlarni samarali tashkil etish bo'yicha qo'shimcha chora-tadbirlarni belgilash to'g'risida"gi 08-156-son buyrug'ida belgilangan vazifalar ijrosini ta'minlash, o'zbek adabiyotining zabardast vakillaridan biri G'afur G'ulom hayoti va ijodiy merosini keng targ'ib qilish yo'nalishida faollik ko'rsatib kelayotgan talabalarni rag'batlantirish, ularni kitobxonlikka va adabiyotga bo'lgan qiziqishini oshirish maqsadida

BUYURAMAN

1. Toshkent davlat yuridik universiteti (bundan buyon matnda – universitet) rektorining 2020 yil 4 sentyabrdagi 08-156-son buyrug'i bilan universitet talabalari uchun G'afur G'ulom nomidagi maxsus stipendiya va ko'krak nishoni (bundan buyon matnda – maxsus stipendiya va ko'krak nishoni) ta'sis etilganligi

hamda maxsus stipendiya va ko'krak nishoni to'g'risidagi nizom tasdiqlanganligi inobatga olinsin.

2. Toshkent davlat yuridik universiteti talabalariga maxsus stipendiya va ko'krak nishoni ajratish bo'yicha universitet tanlov komissiyasi tarkibi ilovaga muvofiq tasdiqlansin.

3. Tanlov komissiyasi (A.Xashimhonov):

maxsus stipendiya va ko'krak nishoni uchun o'tkaziladigan tanlovda ishtirok etish istagida bo'lgan nomzodlarning tegishli hujjatlarini hamda maxsus stipendiya va ko'krak nishoni ajratish jarayonlarini universitet rektorining 2020-yil 4-sentabrdagi 08-156-son buyrug'i bilan tasdiqlangan G'afur G'ulom nomidagi maxsus stipendiya va ko'krak nishoni to'g'risidagi nizom talablari asosida shakllantirilishini nazorat qilsin;

maxsus stipendiya va ko'krak nishoni ajratish jarayonini adolatli, shaffof va obyektiv o'tkazilishini ta'minlasin;

nomzodlarni tanlab olishda ularning shaxsiy sifatlari, o'zlashtirish ko'rsatkichi, ilmiy-ijodiy va jamoatchilik ishlarida faolligi, G'afur G'ulom hayoti va ijodini keng targ'ib qilish jarayonida faollik ko'rsatib, universitet nufuzini oshirishda o'z hissasini qo'shib kelayotganligiga alohida e'tibor qaratsin;

maxsus stipendiya va ko'krak nishoni ajratish bo'yicha tanlov nizomida belgilangan muddatlarda amalga oshirilishini nazorat qilsin hamda maxsus stipendiya tayinlash va ko'krak nishoni ajratish uchun nomzodlarni tavsiya etish to'g'risidagi qarorni universitet kengashi muhokamasi uchun taqdim etsin;

maxsus stipendiya va ko'krak nishoni bilan taqdirlash bo'yicha universitet rektori buyrug'i loyihasini belgilangan muddatlarga kiritilishini nazorat qilsin;

maxsus stipendiya guvohnomasi va ko'krak nishonini tantanali vaziyatlarda topshirilishini ta'minlasin.

4. Fakultet dekanlari:

maxsus stipendiya va ko'krak nishoni uchun o'tkaziladigan tanlov bo'yicha talabalar o'rtasida muntazam tushuntirish ishlarini olib borsin va ularni ushbu tanlovlarda ishtirok etishi uchun tayyorlasin;

maxsus stipendiya va ko'krak nishoni to'g'risidagi nizomda belgilangan muddatlarda va tartibda fakultetlardan munosib nomzodlarni tanlab, ularning hujjatlarini universitet tanlov komissiyasiga taqdim etsin.

5. Tarkibiy bo'linma rahbarlari G'afur G'ulom nomidagi ko'krak nishoni bilan taqdirlash uchun adib ijodini keng targ'ib qilish ishlarida faollik ko'rsatib, bu borada universitet oldiga qo'yilgan vazifalarni bajarishda o'z hissasini qo'shib kelayotgan professor-o'qituvchi va xodimlarning tegishli hujjatlarini umumlashtirib, belgilangan muddatlarda Ma'naviyat va ma'rifat markaziga taqdim etsin.

6. Ma'naviyat va ma'rifat markazi (Sh.Po'lotov), Jamoatchilik va OAV bilan ishlash bo'limi (J.Haydarov) bilan birgalikda:

maxsus stipendiya va ko'krak nishoni bilan taqdirlanganlar to'g'risidagi ma'lumotlarni universitetning internetdagi rasmiy sayti hamda ijtimoiy tarmoqlardagi sahifalari, shuningdek, respublika bosma va internet nashrlari orqali keng yoritish choralarini ko'rsin;

maxsus stipendiya va ko'krak nishoni bilan taqdirlash jarayonini tele va radio kanallar orqali yoritish choralarini ko'rsin.

7. Mazkur buyruq ijrosi nazorati prorektor A.Xashimhonov zimmasiga yuklatilsin.

**O'quv ishlari bo'yicha
prorektor - TDYuU
qoshidagi akademik litsey
direktori**



I.RUSTAMBEKOV

Kiritildi:

Direktor

SH.PO'LOTOV



Kelishildi:

YOshlar masalalari va ma'naviy-
ma'rifiy ishlar bo'yicha prorektor

A.XASHIMHONOV



Katta yuriskonsult

E.XOSILOV



Devonxona mudiri

X.ABDULLAYEV



Buyruq bilan tanishdim:

SH.PO'LOTOV



**Toshkent davlat yuridik universiteti talabalariga G'afur G'ulom
nomidagi maxsus stipendiya va ko'krak nishoni ajratish bo'yicha universitet
tanlov komissiyasi tarkibi**

A.Xashimhonov	–	Yoshlar masalalari va ma'naviy-ma'rifiy ishlar bo'yicha prorektor, rais;
S.Abduxafizov	–	Ommaviy huquq fakulteti 4-bosqich talabasi, universitet yoshlari yetakchisi, komissiya raisi o'rinbosari;
L.Ilhomjonov	–	O'zbekiston yozuvchilar uyushmasi a'zosi, G'afur G'ulom uy muzeyi katta ilmiy xodimi, Toshkent davlat yuridik universitetining ilmiy-adabiy maslahatchisi, a'zo;
A.Xaqnazarov	–	Toshkent davlat yuridik universiteti rektori maslahatchisi, a'zo;
T.Matyakubova	–	Alisher Navoiy nomidagi O'zbek tili va adabiyoti universiteti dotsenti, a'zo;
N.Ramazonov	–	O'zbek tili va adabiyoti kafedrası mudiri, a'zo;
G.Nosirxodjayeva	–	Umumta'lim fanlar va madaniyat kafedrası mudiri, a'zo;
R.Qo'chqorov	–	Umumta'lim fanlar va madaniyat kafedrası dotsenti, a'zo;
N.Bazarova	–	O'zbek tili va adabiyoti kafedrası dotsenti v.b., a'zo;
F.Muhitdinova	–	Davlat va huquq nazariyasi kafedrası professori, a'zo;
M.O'razaliyev	–	Universitet birlashgan kasaba uyushması raisi, a'zo;
Sh.Po'lotov	–	Ma'naviyat va ma'rifat markazi direktori, a'zo;
Ch.Baxtiyorova	–	Xalqaro huquq va qiyosiy huquqshunoslik fakulteti 4-bosqich talabasi, G'afur G'ulom nomidagi ko'krak nishoni sohibasi, a'zo;
N.Qarshiyeva	–	Xalqaro huquq va qiyosiy huquqshunoslik fakulteti 3-bosqich talabasi, G'afur G'ulom nomidagi maxsus stipendiya sohibasi, a'zo;
R.Sharapova	–	Jinoiy odil sudlov fakulteti 3-bosqich talabasi, G'afur G'ulom nomidagi maxsus stipendiya sohibasi, a'zo;
A.Ravshanov	–	Ommaviy huquq fakulteti 2-bosqich talabasi, G'afur G'ulom nomidagi maxsus stipendiya sohibasi, a'zo;
Q.Musayev	–	Ma'naviyat va ma'rifat markazi Iqtidorli yoshlarni qo'llab-quvvatlash va huquqiy targ'ibot bo'limi uslubchisi, kotib

Izoh: Komissiya a'zolari boshqa ishga o'tganda yoki lavozimidan ozod etilganda ularning o'rniga tayinlangan yohud zimmasiga tegishli vazifalar yuklangan mas'ullar kiritiladi.